

# EISTEDDFOD GADEIRIOL ABERGORLECH 2023

Daeth afiaith gŵyl ddiwylliannol i Abergorlech unwaith eto eleni trwy gynnal Eisteddfod flynyddol Capel Newydd yn Neuadd Abergorlech ar 25 Tachwedd.

Beirniaid anrhydeddus yr eisteddfod oedd y Fns Llinos Jones, Canolfan S4C Yr Egin (Llên ac Adrodd) a'r Fns Sara Davies, Prengwyn (Cerdd). Cyfeilydd di-flino yr eisteddfod oedd Jonathan Morgan, Y Tymbl sy'n gaffaeliad i gymaint o eisteddfodau lleol.

Llywydd yr eisteddfod oedd **Dr Hefin Jones**, Treganna, Caerdydd sy'n enedigol o Bencader. Yn dilyn cyfnodau yn ysgolion lleol llwyddod i ddod yn fyfyrwr yng Ngholeg y Brenin, Prifysgol Llundain. Yno enillodd Radd Baglor mewn Gwyddoniaeth a Diploma AKC gyda Chlod yn yr Adran Ddiwinyddol a doethuriaeth o Goleg Imperial, Prifysgol Llundain. Tair blynedd gyda chyngor ymchwil Amaeth cyn ail ymuno â'r *Imperial* ac arwain tîm mewn prosiect, y cyntaf o'r fath ar effeithiau newid ac effaith cynnydd ar Co2 ar ffrwythlonder ac amrywiaeth bywyd y pridd.

Yna yn 2000 i Brifysgol Caerdydd a lledodd ei arbenigrwydd a chynghori trwy gysylltu â cholegau yn Siapan, Ffrainc, a dod yn Aelod Rhyngwladol mewn Prifysgol yn UDA.



Yn ystod ei ieuentid profiad gydag Adran Ieuentid Annibynnwyr y Byd a threulio blwyddyn (2004-2005) yn Llywydd Undeb yr Annibynnwyr Cymraeg. Yn 2007 daeth yn Urdd Derwydd er Anrhydedd yng Ngorsedd y Beirdd a'i adnabod fel *Hefin Pencader*. Daeth yn berchen ar Fedal Gwyddoniaeth a Thechnoleg mewn cyflwyniad yn Eisteddfod Genedlaethol Caerdydd 2018.

Braf oedd clywed y llywydd yn rhannu ei atgofion am ardal Abergorlech a'r eisteddfod mewn araith ddiffuant, ac yntau â gwreiddiau ei deulu yn hannu o'r cylch gyda nifer fawr o'i gyndeidiau bellach yn gorwedd ym mynwent Capel Newydd. Nododd bod yr achlysur yn gyfle i gefnogi ein diwylliant – mae'n bwysicach na'i gymryd yn ganiataol. Diolchodd i'r pwyllgor trefnu.

Un o uchafbwyntiau yr eisteddfod yn ddiau oedd defod y cadeirio o dan ofal y Parchg. Delyth Wilson, a gwelwyd wyneb cyfarwydd i eisteddfodau'n cipio'r wobr sef: **Megan Richards**, Aberaeron. Hon oedd y bedwaredd cadair eisteddfodol ar ddeg i Megan sef *Merch y Mynydd* ennil.

Tasg y cystadleuwyr eleni oedd cerdd rydd ar y testun *Ysbrydoli* a'r wobr: cadair fechan a grewyd gan Eirian George, yn rhoddedig gan David Tom ac Eryl er cof annwyl am eu rhieni: Emrys ac Annie Thomas, Blaennantygarn, Abergorlech.

Enillydd Tlws yr Ifanc oedd **Alaw Fflur Jones** o Felinfach, merch ifanc ddawnus a oedd wythnos yn gynharach wedi ennil coron Eisteddfod Genedlaethol Mudiad y Ffermwyr Ifainc.

Diweddwyd y noson gyda chystadlaethau'r Her Llefaru a'r Her Unawd a enillwyd gan ffyddloniaid i'r eisteddfod: Maria Evans, Rhydargaeau a Gerwyn Rees, Porthyrhyd.

Yn ennill tlysau y cystadleuwyr mwyaf addawol o dan 16 oed oedd **Iwan Thomas**, Pontarddulais (Adran Gerdd) a **Gwenan Lloyd Owen**, Llanllwni (Adran Adrodd).

Dymuna'r pwyllgor ddiolch yn fawr iawn i bawb a wnaeth gefnogi a chyfrannu tuag at yr Eisteddfod unwaith eto.

Enillwyr eraill yr Eisteddfod:

### **Adran Gerdd**

*Unawd dan 6:* 1. Martha Nel, Caerfyrddin

*Unawd dan 8:* 1. Ifan Morris, Llandysul 2. Greta Fflur, Caerfyrddin

*Unawd dan 10:* 1. Gruff Davies, Llandyfriog 2. Sara Lewis, Mydroilyn 3. Elan Douch, Cwmann

*Unawd dan 12:* 1. Iwan Thomas, Pontarddulais

*Canu Emyn dan 16:*

1. Brychan Williams, Llambod

2. Gwenan Lloyd Owen, Llanllwni

Cyd. 3 Iwan Thomas, Pontarddulais a Gruff Davies, Llandyfriog.

*Unawd dan 16:* 1. Gwenan Lloyd Owen, Llanllwni 2. Brychan Williams, Llambod

*Canu Penillion dan 16:*

1. Iwan Thomas, Pontarddulais 2. Gwenan Lloyd Owen, Llanllwni 3. Gruff Davies, Llandyfriog

*Canu Gwerin dan 16:*

1. Gwenan Lloyd Owen, Llanllwni 2. Gruff Davies, Llandyfriog 3. Brychan Williams, Llambod

*Canu Piano neu Unrhyw offeryn cerdd dan 16:*

1. Gwenan Lloyd Owen, Llanllwni 2. Iwan Thomas, Pontarddulais 3. Gruff Davies, Llandyfriog

*Sgen ti dalent:* 1. Olwen Roberts, San Clêr 2. Alaw Fflur Jones, Felinfach

*Canu Emyn rhwng 16-50:* 1. Gerwyn Rees, Porthyrhyd 2. Bethan Griffiths, Abergorlech

*Cenwch i'm yr Hen Ganiadau:* 1. Gerwyn Rhys, Porthyrhyd

*Her Unawd Agored:* 1. Gerwyn Rhys, Porthyrhyd

### **Adran Adrodd**

*Adrodd dan 6:* 1. Martha Nel, Caerfyrddin

*Adrodd dan 8:* 1. Greta Jones, Caerfyrddin 2. Ifan Morris, Llandysul

*Adrodd dan 10:* 1. Elan Douch, Cwmann 2. Gruff Davies, Llandyfriog

*Adrodd dan 12:* 1. Celyn Fflur Davies, Llandyfriog 2. Iwan Thomas, Pontarddulais.

*Ateb 6 cwestiwn dan 16:*

1. Celyn Fflur Davies, Llandyfriog 2. Gruff Davies, Llandyfriog 3. Iwan Thomas, Pontarddulais

*Darllen o'r ysgrythur dan 16:*

1. Iwan Thomas, Pontarddulais
2. Celyn Fflur Davies, Llandyfriog
- Cyd 3. Gruff Davies, Llandyfriog a Gwenan Lloyd Owen, Llanllwni.

*Adrodd dan 16:* 1. Olwen Roberts, San Clêr 2. Gwenan Lloyd Owen, Llanllwni

*Adroddiad Digri dan 16:* 1. Gwenan Lloyd Owen, Llanllwni

*Cystadleuaeth y Dysgwyr:* 1. Paul Wilson, Abergorlech

*Darllen darn o'r Ysgrythur ar y pryd:*

1. Megan Richards, Aberaeron
2. Gwenan Lloyd Owen, Llanllwni
3. Olwen Roberts, San Clêr

*Her Adroddiad Agored:* 1. Maria Evans, Rhydargaeau 2. Bethan Griffiths, Abergorlech

### **Llenyddiaeth**

*Tlws yr Ifanc:*

1. Alaw Fflur Jones, Felin-fach
2. Hanna Evans (Ysgol Bro Teifi)
3. Lowri Jones (Ysgol Bro Teifi)

*Brawddeg:* 1. Myfanwy Roberts, Llanrwst

*Englyn:* 1. John Thomas, Cwmann

*Brysneges:* 1. Myfanwy Roberts, Llanrwst

*Limrig:* 1. John Thomas, Cwmann